

元代地理方志上卷



元代地理方志 上卷

元代
史料叢刊
初編

黃山書社

金史外國傳地理攷證

金史外國傳地理攷證

仁和丁謙益甫氏學

夏國王李乾順具先曰拓跋思恭唐僖宗時爲夏綬銀宥節度使與李克用李茂貞共破黃巢復京師賜姓李氏歷五代至宋傳世及元昊稱帝遼人以公主下嫁遂世脩朝貢不絕天輔六年金破遼兵遼主走陰山夏將李良輔將兵三萬救遼次天德軍境金兵敗之於宜水宗望至陰山以便宜與議和天會二年始奉誓表以事遼之禮稱藩初金以山西九州與宋以天德軍與遼後破宋都虜二帝乃畫分陝西麟府鄜坊環慶涇原秦鳳熙河等路疆界復分陝西北部以易天德雲內以河爲界及婁室定陝西夏人遂收取陝北地天眷二年乾順老子仁孝立遣

外國傳列註

二集

卷十

使冊命初仁孝嗣位國多亂有任得敬者抗禦有功遂專政二十餘年陰蓄異志大定十年分西南路及靈州等地自立爲國求封於金金主不允并卻其禮夏主知其無援乃誅之明昌四年仁孝薨子純佑立泰和六年純佑姪安全廢純佑自立遣使請命久之始封爲夏國王大安三年薨族子遵頊立貞祐初金人爲蒙古敗於會河堡夏人乘機侵掠邊境由是連兵十年互有勝負精銳皆盡兩國俱敝遵頊後傳子德旺正大元年始議和三年二月遵頊死七月德旺又死嗣主史失其名明年夏國亡

贊曰夏之立國舊矣其臣羅世昌譜其世次稱元魏衰微居松州者因以舊姓爲拓跋氏按唐書党項八部有拓跋部自党項

入居銀夏之間者號平夏部拓跋思恭以破黃巢功賜姓李氏兄弟相繼爲節度使居夏州在河南繼遷再立國元昊始大乃北渡河城興州而都之其地初有夏綏銀宥靈鹽等州其後遂取武威張掖酒泉燉煌諸郡地南界橫山東距西河土宜三種善水草宜畜牧民俗強梗尙氣重然諾敢戰鬪自漢唐以水利積穀食邊兵興州有漢唐二渠甘涼亦有灌溉土境雖小能以富強地勢然也

西夏事跡宋史載之頗詳惟此援據唐書謂其先世出於党項特爲明確公主下嫁攷遼史興宗景福元年以興平公主嫁夏王李德明子元昊重熙七年薨

公主表無興平名當是宗女

至十三

年以党項等部叛入西夏招討羅漢奴戰敗遂議親征會元

外國傳五

二

八三

吳謝罪因罷兵十八年七月又親征八月渡河夏人遁乃還南道都統蕭憇爲其所敗北道都統耶律敵古魯至賀蘭山獲元吳妻及家屬夏人三千來援盡殪十九年二月夏人攻金肅城高家奴等破之三月蕭迭里特敗夏人於三角川五月入夏境掠之九月夏人侵邊擊敗之次年夏王李諒祚求和許之按遼夏交涉甚少遼史又無專傳因於各本紀中摘錄大事數則以備參攷天德軍唐置在今河套北阿爾坦河東遼金地志不載以夏人轄境也宜水卽阿爾坦河唐曰大同川麟府鄜延等地皆宋時在陝甘所置軍路之名麟府謂麟州府谷麟州故址在今套內東界鄜坊謂鄜州坊州坊州今中部縣環慶謂環縣慶陽涇原謂涇州固原州秦鳳謂秦

州鳳翔熙河謂熙州河州熙州今臨洮府雲內州與天德軍
同城因地在河套之北故金人以陝北地易之靈州在靈夏
南夏人稱爲西平府李繼遷時由夏州徙都於此至贊所云
初居夏州在河南元昊乃北渡河城興州而居之祇此數語
已謬戾屢見攷夏州卽赫連勃勃所築之統萬城後稱夏州
道光二十五年榆林知府徐松確查此城在懷遠縣西九十
七里鄂爾多斯右前旗境實在長城之北河套南界其北距
河甚遠混言河南形勢不合且李繼遷都靈州其子德明復
城懷遠鎮爲興州以居見於宋史贊不獨脫卻靈州一事而
興州之城亦是德明非元昊興州今靈夏府後稱興慶以後
西夏皆都於此然其地實在黃河之西云北渡河可乎當時

史臣之淺陋如此。

余讀西夏亡國之史。不能不深憾於遵頊之愚昧也。當貞祐初。蒙古騷強。業已統一漠北。南向以窺中國之境。金兵當之。輒敗。爲西夏計。苟能稍知大局。自當聯結金宋。合力設防。或可相毗以安。乃乘金人受侵。竟爲狗偷鼠竊之謀。希圖小利。卒之十年連戰。勝少敗多。金人殘挫之餘。尙足與敵。其兵力之不競。可以概見。遵頊旣死。不及一載。國卽先金而亡。然則西夏之亡。謂亡於遵頊可也。

高麗自遼時歲時脩貢。及金滅遼。高麗以事遼之禮稱臣於金。康宗元年。命石適歡收納曷懶甸民。二年。高麗兩次來攻。石適歡均大破之。四年。高麗至曷懶甸築九城。使幹塞將兵伐之。大

破高麗軍。六月又破之。進圍其城。高麗乞和。返侵地。許之。太祖收國元年。旣克黃龍府。因命撒喝攻保州。保州近高麗。遼侵高麗所置。十一月攻開州。取之。盡降保州所屬諸部。以撒喝爲都統。二年春。使來賀捷。且曰。保州吾舊地。願以見還。太祖令自取之。並使撒喝等進攻。守將遁去。高麗又請還。帝曰。保州近爾邊境。聽爾自取。今乃動我師徒。破敵城下。此當別議。使咸州路都統分兵屯保州。天會四年。奉表稱藩。詔優答之。六年。王楷薨。子昉嗣。十年。王昉弟皓廢昉自立。久之。始允冊封。明昌八年。皓表以國讓弟昉。未幾。皓薨。立。改名暉。至寧元年。暉薨。子懿立。二年。宣宗遷汴。道路梗塞。遂不復通問矣。

此後高麗國也。前高麗始於西漢末。至唐高宗總章元年。爲

老將李勣所滅未幾渤海強盛凡今平安咸鏡江原三道地均爲所據增置東西二京以足五京之數迨後梁貞明四年有王建者平弓裔之亂立後高麗國都松岳城卽今京畿道北境之開城府遼人旣興因稱藩納貢宋徽宗時金滅遼國高麗復遵遼時舊禮事之自後由宋歷元洎明太祖洪武二十二年始易姓爲李以迄於今傳中所稱王楷彼國自號仁宗現號毅宗皓號明宗暉號神宗韻號熙宗此彼國沿革之大略也曷懶甸金時升爲路在今寧古塔正南琿春城正西海蘭河流域近日設延吉廳以治之保州遼地理志注高麗置知此城本高麗地爲遼人所奪傳謂遼侵高麗所置未確州地疑卽今朝鮮會寧府故近其邊境開州遼地理志云本

穢貊地。渤海屬龍原府。高麗爲慶州。今爲江原道江陵府城。
咸州。今咸鏡道咸興府。

按金史外國傳僅載以上二國。殊嫌漏略。稽之元史元祕史
及西域史等書。知當時西北部落甚多。不獨蒙古爲其大酋。
卽塔塔兒。汪古。客烈。白韃靼等。亦與金人頗有關係。其餘諸
部。雖史中不載其交涉。然以大局計。不無互相牽制之勢。蓋
金之亡。實亡於西北諸部。先已盡滅。而金夏宋三國又復自
相水火。故也。茲特補列十五國於後。以備參證。惟舊國至金
時已亡。新國在金後始立者。均不闕入。

一蒙古

金史雖無蒙古專傳。而兵志東北部族。紮軍有萌骨部。西北

夕臣信万言

五

又文一

部族弘軍亦有萌骨部萌骨卽蒙古轉音

又大金國志載完顏偉孫云今滕骨

不受調役滕骨卽萌骨

蓋其時蒙古有東西兩部證以祕史札只刺特

酋札木合與成吉斯同祖而居合爾合河源地當爲東部成

吉思先世均居敖嫩河源當爲西部然蒙古之名始見唐書

言室建河源出俱倫泊迤而東河南有蒙瓦部室建河今額

爾古訥河俱倫泊今呼倫湖額爾古訥河東北流與敖嫩河

會敖嫩河西出肯特山河南有蒙瓦卽指蒙古祖居之地所

謂河南者敖嫩河之南非黑龍江之南洪攷謂蒙古先世在

黑龍江南不過望文生義毫無根據蓋因漠北水道唐人明

悉者少故敘次脫一轉折耳蒙古本音當從祕史作忙豁勒

松漠紀聞作盲骨子契丹事跡作滕古西域史作蒙兀勒東

丹國志作蒙古里蒙鞞備錄作蒙古斯波斯人稱蒙兀兒瀛
環志略作莫卧兒異域錄作莽武特皆輾轉傳譯之音蒙古
人質性剛勁金史載萌骨二部於部族乂軍之列當是金太
祖開國時事至太宗以後卽不復可制西域史言蒙古俺巴
該汗爲塔塔兒誘執獻於金殺之其子忽都刺汗入金界敗
其兵大掠而歸祕史則言忽圖刺汗連戰十七次不曾報得
仇祕史之意蓋謂戰雖屢勝而塔塔兒部究未破滅報仇之
事尙有待也大金國志太宗天會十五年伐蒙古萬戶胡沙
虎糧盡而返蒙古追襲之大敗其衆於海嶺越十載熙宗皇
統七年蒙古益強兀朮討之按金史皇統七年兀朮方掌三
省都元帥事伐蒙古爲其主兵
未必身親在軍中也連年不能克乃議和割西平河北二十七團寨與

之按松漠純聞言蒙古與金人隔一江常渡江連年不克卽
南爲寇禦之則返無如之何卽議和之後事包於祕史十七戰之內西域多桑書謂千四百四十七年忽
都剌攻金金人與議和而退年分事實並同而以上兩役金
史皆不載蓋爲失利諱耳海嶺當卽呼倫湖東南哈爾巴勒
山金與蒙古兵釁均起於塔塔兒金師之出勢必與塔塔兒
合時該部居呼倫湖南一帶故胡沙虎退軍當踰海嶺而南
不意敵人襲而敗之也西平河方輿紀要謂卽克魯倫河甚
合攷金初築外邊堡於蒙古之北蒙古各散部均包括於內
此時盡割克魯倫河北地則漠北已無險可扼矣迨金章宗
承安二年出師討塔塔兒成吉思乃乘此機助金滅之夫塔
塔兒雖小尙足藉爲金之外蔽乃竟自撤藩籬愚蠢失策孰

甚於此。自後破滅金人之事，載於元史，不復贅述。惟洪侍郎謂遼史、梅古悉卽蒙古，則誤說。詳遼史外國攷證。

二塔塔兒

塔塔兒應作韃靼，乃游牧種人之通稱，非專指一二部言也。此塔塔兒係黑韃靼種，爲遼之同族。以北人呼遼爲黑韃靼，呼金爲白韃靼也。據祕史，此部向居呼倫貝爾兩湖之間，迨爲金師所逼，乃退往北方塔里泊地，立寨自固，自爲成吉思所夾攻，遂至於亡。塔里泊之名，當因該部見滅於此，故蒙古人稱之。

三客列

客列卽遼史迭烈祕史作客亦列特，西域史作客拉亦特，二